

/վարչական տույժ նշանակելու մասին/

«11» նոյեմբեր 2022թ.

ք. Երևան

Հայաստանի Հանրապետության պետական եկամուտների կոմիտեի Երևանի մաքսային սպառարկման կենտրոն-մաքսատուն, վարչության պետ Վանիկ Հովհաննիսյանս, քննելով «Չերամիզիա Ինթերնեշնլ» ՍՊ ընկերության (ՀՎՀՀ 02690525) տնօրեն Ֆեդերիկո Պոլիդորիի /անձը հաստ. փաստ. YA4838369, հասցե՝ ՀՀ ք. Երևան, Ծովակալ Իսակով պող., 9./ նկատմամբ հարուցված վարչական իրավախախտումների վերաբերյալ գործը,

Պ Ա Ր Զ Ե Ց Ի

«Չերամիզիա Ինթերնեշնլ» ՍՊ ընկերության անվամբ թիվ 05100010/090720/0039534 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել են ապրանքներ: Օրենքով սահմանված կարգով ԱԱՀ-ի վճարումը հետաձգվել է երեք տարի ժամկետով՝ մինչև 09.07.2023թ., սակայն ընկերության և ՀՀ էկոնոմիկայի նախարարության միջև կնքված 2020թ-ի հուլիսի 22-ի N 212-20 պայմանագրով տախտակետված պարտավորությունները «Չերամիզիա Ինթերնեշնլ» ՍՊ ընկերության կողմից չկատարելու պատճառով՝ ՀՀ էկոնոմիկայի նախարարությունը միակողմանիորեն լուծել է պայմանագիրը, սակայն օրենքով սահմանված կարգով ԱԱՀ-ի վճարումը «Չերամիզիա Ինթերնեշնլ» ՍՊ ընկերության կողմից չի կատարվել:

ՀՀ ՊԵԿ Արարատյան մաքսատուն-վարչության ՄՀևԳՀ բաժնի գլխավոր մաքսային տեսուչի կողմից 28.10.2022 թվականին «Չերամիզիա Ինթերնեշնլ» ՍՊ ընկերության տնօրեն Ֆեդերիկո Պոլիդորիի նկատմամբ կազմվել է վարչական իրավախախտումների վերաբերյալ արձանագրություն՝ Վարչական իրավախախտումների վերաբերյալ ՀՀ օրենսգրքի 170.3-րդ հոդվածի հատկանիշներով:

Վարչական իրավախախտումների վերաբերյալ գործի քննությունը նշանակվել է 11.11.2022 թվականին, ժամը՝ 10:00-ին, որի անցկացման վայրի և ժամանակի մասին Ֆեդերիկո Պոլիդորիին պատշաճ կարգով ծանուցվել է, սակայն չի ներկայացել: Գործի քննությունն իրականացվել է վերջինիս բացակայությամբ:

Վարչական իրավախախտումների վերաբերյալ ՀՀ օրենսգրքի 22-րդ հոդվածի համաձայն՝ վարչական տույժը համարվում է պատասխանատվության միջոց և կիրառվում է, նպատակ ունենալով վարչական իրավախախտում կատարած անձին դաստիարակել խորհրդային օրենքները պահպանելու, սոցիալիստական համակեցության կանոնները հարգելու ոգով, ինչպես նաև կանխել ինչպես իր իսկ՝ իրավախախտողի, այնպես էլ ուրիշ անձանց կողմից նոր իրավախախտումների կատարումը:

Նույն օրենսգրքի 170.3-րդ հոդվածի համաձայն՝ հարկերը, տուրքերը և օրենքով սահմանված պարտադիր այլ վճարումները սահմանված ժամկետներում չվճարելը՝ առաջացնում է տուգանքի նշանակում սահմանված նվազագույն աշխատավարձի տասնապատիկից մինչև քսանապատիկի չափով:

Ասպիտով, վարույթի նյութերով հիմնավորվում է, որ «Չերամիզիա Ինթերնեշնլ» ՍՊ ընկերության կողմից ՀՀ ներմուծված բեռը հայտարարագրվել է թիվ 05100010/090720/0039534 ապրանքների հայտարարագրով, որով առաջադրված ԱԱՀ-ի

վճարումը հետաձգվել է մինչև 09.07.2023 թվականը, սակայն ընկերության կողմից թիվ 20201-ի հուլիսի 22-ի N 212-20 պայմանագրով տախատեսված պարտավորությունները չկատարելու պատճառով՝ ՀՀ Էկոնոմիկայի նախարարությունը միակողմանիորեն լուծել է պայմանագիրը, ԱԱՀ-ի վճարումը սահմանված ժամկետում չի կատարվել, ինչով պայմանավորված ընկերության տնօրենի կողմից թույլ է տրվել Վարչական իրավախախտումների վերաբերյալ ՀՀ օրենսգրքի 170.3-րդ հոդվածով նախատեսված իրավախախտում: Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի օրենսգրքի 214-րդ և 234-րդ հոդվածներով՝

Ո Ր Ո Շ Ե Ց Ի

1. Վարչական իրավախախտումների վերաբերյալ ՀՀ օրենսգրքի 170.3-րդ հոդվածով նախատեսված վարչական իրավախախտում կատարելու համար «Չերամիգիա Ինթերնեշնլ» ՍՊ ընկերության տնօրեն Ֆեդերիկո Պոլիդորիին ենթարկել վարչական պատասխանատվության՝ **տուգանելով 20.000 ՀՀ դրամի չափով:**
2. Որոշման մասին օրենքով սահմանված կարգով իրազեկել «Չերամիգիա Ինթերնեշնլ» ՍՊ ընկերության տնօրեն Ֆեդերիկո Պոլիդորիին:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Սույն որոշմամբ նշանակված տուգանքի վճարման հաշվեհամարն է **900005024055-ը (ՀՀ պետական բյուջե, կենտրոնական գանձապետարան, Երևանի մաքսային սպասարկման կենտրոն-մաքսավորն, վարչություն, ԿՈՂ 27):**

ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ

ԿԵՆՏՐՈՆ-ՄԱՔՍԱՏՈՒՆ, ՎԱՐՉՈՒԹՅԱՆ ՊԵՏ



ՎԱՆԻԿ ՀՈՎՀԱՆՆԻՍՅԱՆ